

ქართველოლოგიის გავრცელებისათვის უსხოეთის სამეცნიერო წრეაშვი

უკვე 15 წელზე მეტია, რაც თბილისის სახელმწიფო უნივერსიტეტთან არსებობს ქართველოლოგიური სკოლის ცენტრი, რომელიც დღემდე უწყვეტად ემსახურება ქართველოლოგიური საქმიანობის უსხოეთში გატანის და საზღვარგარეთის ახალგაზრდა სამეცნიერო კადრის ქართველოლოგიით დაინტერესების საქმეს.

ქართველოლოგიური სკოლის ცენტრის ძირითადი დამფინანსებელია ამ ცენტრის ბაზაზე შექმნილი ქართველოლოგიური სკოლის ფონდი, რომელიც არსებობს ქველმოქმედებითა და შემოწირულობებით შემოსული სახსრებით. ქართველოლოგიური სკოლის ცენტრი, ისევე, როგორც „ფონდი“ დაარსებულია პროფ. ე. ხინთიბიძის მიერ და დღემდე მოქმედებს მისი ხელმძღვანელობით.

„ცენტრი“ მნიშვნელოვან პროგრამებს ახორციელებს, ესენია: სხვადასხვა კვლევითი სამეცნიერო პროექტი, საერთაშორისო სიმპოზიუმების ორგანიზება და მისი მასალების ბეჭდვა, ქართველოლოგიური საზაფხულო სკოლა, ორენოვანი ქართველოლოგიური ჟურნალის გამოცემა.

სამეცნიერო პროექტთაგან ორი მათგანი საგანგებოდაა აღსანიშნავი:

- ა) 1994-96 წლების ნაგოს გრანტით შეიქმნა უნიკალური ბიბლიოგრაფიული მონოგრაფია „ქართული ლიტერატურა ევროპულ მეცნიერებაში“ (გამოქვეყნდა ინგლისურ ენაზე ევროპაში – ამსტერდამი 2001 წელი; ქართულ ენაზე საკუთრივ ქართველოლოგიური სკოლის ფონდის მიერ 2003 წელს. ამ კვლევა-ძიების საფუძველზე თსუ-ში შეიქმნა და ყოველწლიურად იკითხება სამაგისტრო კურსი „ძველი ქართული ლიტერატურა საზღვარგარეთულ ქართველოლოგიაში“.
- ბ) ბერლინის ჰუმბოლდტის უნივერსიტეტთან ერთობლივი პროექტით 2005 წელს გერმანულ ენაზე გამოიცა „ვეფხისტყაოსნის“ დაკარგულად მიჩნეული მარია პრიგვიცისეული გერმანული თარგმანი ავტორისეული ხელნაწერის მიხედვით.

ამჟამად მიმდინარეობს მუშაობა ახალ პროექტზე – „მცირე ერების დიდი კულტურა“, რომლის ფარგლებში მზადდება ინგლისში გამოსაცემად მონოგრაფია „რუსთაველის წარმოჩენა“.

„ქართველოლოგიური სკოლის ცენტრში“ დაარსდა და 1993 წლიდან ყოველწლიურად გამოდის ინგლისურ და ქართულენოვანი ჟურნალი „ქართველოლოგი“, რომელიც ეგზავნება უცხოელ ქართველოლოგებს და უცხოეთის დიდ ბიბლიოთეკებს: კონგრესის ბიბლიოთეკა (აშშ), ოქსფორდის ბოლდუს ბიბლიოთეკა (ინგლისი), ვატიკანის სამოციქულო ბიბლიოთეკა.

„ცენტრის“ მიერ დაარსებულია და სისტემატურად და რეგულარულად გარდება საერთაშორისო ქართველოლოგიური სიმპოზიუმები ქართველოლოგიის მიმართულებით. ჩატარებულია ხუთი მსოფლიო სიმპოზიუმი და ცენტრის მიერ გამოცემულია წინათხი მათგანის მასალები თანამედროვე ევროპული სტანდარტის ღონებზე.

უნდა ითქვას, რომ „ცენტრის“ მიერ განხორციელებულ ქართველოლოგიურ პროგრამათაგან ერთ-ერთი უმნიშვნელოვანესია „საერთაშორისო ქართველოლოგიური საბაზისო სკოლა“, რომელიც უწყვეტად გარდება 1995 წლიდან.

ამ პროგრამის მნიშვნელობა ყოველწლიურად იზრდება და ფართოვდება. დღევანდელი მონაცემებით სკოლის არსებობის მანძილზე მასში დაახლოებით 160 უცხოელი ახალგაზრდა მონაწილეობდა – ამერიკის შეერთებული შტატებიდან, ინგლისიდან, გერმანიიდან, საფრანგეთიდან, იტალიიდან, ესპანეთიდან, საბერძნეთიდან, ნორვეგიიდან, შვეციიდან, რუსეთიდან, პოლონეთიდან, ისრაელიდან, იაპონიიდან, ინდოეთიდან, ავსტრალიიდან, თურქეთიდან, ირლანდიიდან, ირანიდან. ზოგიერთმა მათგანმა ამ „ცენტრში“ განაგრძო სწავლა ქართველოლოგიის სპეციალობით, დღეს ისინი ცნობილი ქართველოლოგები არიან, რომელთაც შეცვალეს საზღვარგარეთ ქართველოლოგიით დაინტერესებული ძველი თაობის ინტელიგენცია. ბევრი მათგანი დღეს მოღვაწეობს საზღვარგარეთ, როგორც მეცნიერ-ქართველოლოგი (იაპონიაში, ინგლისში, ესპანეთში, იტალიაში: იასუპირო კოჯიმა, ანტონი ისტმონდი, ანტონი სტობარტი, ხოსე იგნასიო მარტინესი, მარია საუნა), ქართველოლოგი-პოლიტიკომომხილველი (ამერიკა, შვედეთი, საბერძნეთი, იტალია: კელი ჰაში, რობერტ ლარსონი, ელენი

სიდერი, ელეგრა ერკოლინო). ბევრი მათგანი ამ საზაფხულო სკოლით აღძრული ინტერესით თავიანთი უნივერსიტეტების მიერ სასწავლებლად ხანგრძლივად იქნა მოვლენილი თბილისის სახელმწიფო უნივერსიტეტში (იგალია, რუსეთი: მარია საუნა, ანა რასკინა, ვასილისა კრილოვა, ანა ჩუგუნოვა, ევგენია ზახაროვა). ზოგი მათგანი ევროკომისიის მიერ იქნა დასაქმებული საქართველოში, როგორც ამ ქვეყნის მცოდნე ექსპერტი (ინგლისი: ჯონ რაიტი). ამ სკოლაში მიიღო მონაწილეობა და გადაღვა პირველი ნაბიჯები ქართველოლოგიაში ჩვენი ქვეყნის პირველმა ლედიმ, სანდრა რულოვსმა.

საერთაშორისო ქართველოლოგიური საზაფხულო სკოლის პროგრამა უნიკალურია. სკოლა მოწოდებულია უცხოელებს ასწავლოს არა მხოლოდ ქართული ენა, არამედ მისცეს სრული ინფორმაცია ქართველოლოგიურ დისციპლინებზე და მოამზადოს მომავალ კადრად ქართველოლოგიაში. ამას ემსახურება სკოლის პროგრამა, კერძოდ: სკოლის უცხოელ მსმენელთა რაოდენობა თითოეული წლისათვის განსაზღვრულია არა უმეტეს 8-10 მონაწილით. საზაფხულო სკოლის ხანგრძლივობაა 5 კვირა. ქართული ენის სწავლებას უძღვება ორი პედაგოგი და რამდენიმე ასისტენტი.

საზაფხულო სკოლის აკადემიური პროგრამის მეორე მიმართულებაა ლექციები ქართველოლოგიის სხვადასხვა დარგში. ლექციები მიმოხილვითი და პროპედევტიკული გიჰისაა. ლექციებს კითხულობენ ცნობილი ქართველი მეცნიერები ინგლისურ ენაზე ან სინქრონული ინგლისური თარგმანით.

სკოლის მუშაობის ერთი ძირითადი მიმართულებაა კულტურული პროგრამა: საზაფხულო სკოლის უცხოელი მსმენელები ეცნობიან საქართველოს ძველ და თანამედროვე კულტურულ ცხოვრებას, ყოველი კვირის ბოლოს დაგეგმილია ექსკურსიები საქართველოს სხვადასხვა კუთხეში.

საგანგებოდაა აღსანიშნავი ქართველოლოგიური საზაფხულო სკოლის ერთი სპეციფიკა უცხოელ სტუდენტთა და სკოლის ქართველ ახალგაზრდა თანამშრომელთა საზაფხულო სკოლის მთელი მუშაობის პერიოდში, როგორც სამუშაო ასევე დასვენების დღეებში, ერთად ყოფნა: მეცადინეობები, საუბრე და საღილი, კონცერტები და სპექტაკლები, ექსპედიციები,

მოგზაურობები. ქართული სიგუაცია აადვილებს ენის შესწავლას და ქვეყანასა და ხალხთან დამეგობრებას.

2009 წლის მაფხულის საერთაშორისო ქართველოლოგიური სკოლის მონაწილეთა რაოდენობა განისაზღვრა 8 სტუდენტით. ესენი იყვნენ:

ტომას დანიინგი (ირლანდია), იასუნო ტაკემურა (იაპონია), პრშემისლავ ნოცუნი (პოლონეთი), მაჰმეთ ნადირ აჯეთი (თურქეთი), სემა ბილგიჩი (თურქეთი), ალფერ საღლამი (თურქეთი), რასელ ტრავენენ ჯონსი (დიდი ბრიტანეთი), ერდოგან კარაშაჰი (თურქეთი).

აღსანიშნავია ისიც, რომ წელს საზაფხულო სკოლის მონაწილეების ერთი ნაკადი (3 სტუდენტი და 1 ლექტორი) ჩამოსული იყო ყარსის კავკასიის უნივერსიტეტიდან, სადაც სულ რამდენიმე წელია, რაც დაარსდა ქართული ენის კათედრა.

საყურადღებოა ის ფაქტი, რომ ეს არაა პირველი შემთხვევა, როდესაც ქართული ენის შესწავლის მიზნით სხვა უნივერსიტეტებიდან ჩამოდიან უცხოელ სტუდენტთა ჯგუფები. ასეთი ჯგუფები ჩამოვიდნენ რამდენჯერმე გერმანიიდან, კერძოდ, იენის უნივერსიტეტიდან, სადაც პროფესორ ჰაინც ფენრიხის თაოსნობით მოქმედებდა ქართველოლოგიური განყოფილება. ასე იყო 2004 და 2007 წლებში, როდესაც პეტერბურგის უნივერსიტეტის ქართველოლოგიური კათედრის სტუდენტები ჩამოვიდნენ და მონაწილეობა მიიღეს ქართველოლოგიურ საზაფხულო სკოლაში.

აღბათ კარგი იქნება, თუ მოვიყვანთ რამდენიმე ამონაწერს მიმდინარე წელს ჩატარებული სკოლის მონაწილეთა ინტერვიუებიდან.

ალპერ საღლამი: *მომხიბლა ქართულმა ლიტერატურამ, სტუმართმოყვარეობამ და სამზარეულომ. კმაყოფილი ვარ იმითაც, რომ შესაძლებლობა მომეცა, ბევრ საინტერესო ადგილს ვწვეოდი. საქართველო მშვენიერი ქვეყანაა, განსაკუთრებით კი თბილისი მომეწონა. აქ ბევრი ისტორიული ადგილია. ბედნიერი ვარ, რომ ქართულ და თურქულ კულტურას ბევრი რამ აღმოაჩინდათ საერთო. აუცილებლად ვურჩევ ჩემს თურქ მეგობრებს, დაინტერესდნენ საზაფხულო ქართველოლოგიური სკოლით.*

ნადირ აჯეთი: *საქართველო პაგარა ქვეყანაა, მაგრამ ქართველი ხალხის გული ძალიან დიდია. მომავალში სიამოვნებით ვიცხოვრებდი საქარველოში, კერძოდ, ანანურში.*

ჩემს თანამემამულეებსაც ვურჩევ, ეწვიონ საქარველოს.

ქართულის სწავლას აუცილებლად განვაგრძობ.

სემა ბილგინი: ქართველებმა მომხიბლეს. ისინი გამრჯე, ალალი და თავდადებულები არიან. აქ ყველა პატივს სცემს ერთმანეთს. მომეწონა საქართველოს ბუნება. საითაც გაიხედავ, ყველგან ხე დვას, ყველაზე განსაკუთრებული კი, ვფიქრობ, ღვინოა! თურქეთში სხვებსაც უსათუოდ ვურჩევდი საქართველოში ჩამოსვლას და სამაფხულო სკოლის კურსის მოსმენას. ქართულის სწავლას არ შეეწყვეტ.

პრშემისლავ ნოცუნი: საქართველო მდიდარი კულტურის მქონე ქვეყანაა, ხალხი საოცრად სტუმართმოყვარეა. ჩემი ამრით, აქ ყველაფერია, რაც გურისტებს დააინტერესებთ. მინდა, რაც შეიძლება მეტმა ადამიანმა მოინახულოს ეს შესანიშნავი ქვეყანა. ყველა ჩემს თანამემამულეს ვურჩევ, საქარველო მოინახულოს. თუ ისინი ქვეყნის ისგორიით, კულტურითა და ქართული ენით დაინტერესდებიან, სამაფხულო სკოლა საუკეთესო საშუალებაა იმისათვის, რომ ყველა ამ სფეროს შესახებ საჭირო ინფორმაცია მიიღონ.

რასელ ტრავენენ ჯონსი: რთულია რამდენიმე სიგყვით გამოვხატო ის გრძნობა, რომელიც საქართველოსა და ქარვეელი ხალხის მიმართ მაქვს. ერთადერთი გზა იმისათვის, რომ ამ უკიდურესად კულტურულ, განათლებულ, მდიდარ და აქტიურ ერს გაუგო, ისაა, რომ ყოველივე თავად განიცადო. აქ ყველა ძეგლი, ყველა შენობა ისგორიულია. შუა საუკუნეების გაძრებსა თუ უძველეს ციხეებს თითქმის ყველა ფერდობზე შეხვდებით. ქარველები სამართლიანად ამაყობენ თავიანთი კულტურული მემკვიდრეობით, ენით. საუკუნეთა განმავლობაში ქართულმა ენამ გაუძლო ოკუპაციას და შევიწროებას. ეჭვიც არ მეპარება, რომ იგი მომავალშიც განაგრძობს წინსვლასა და განვითარებას.

ტომას დანინგი: ყველას ვურჩევ, რომ საქართველო მოინახულოს! ეს მართლაც არაჩვეულებრივი ქვეყანაა. ერთი სული მაქვს, კიდევ როდის ვესტუმრები მას! სამაფხულო სკოლაში სწავლას ყველა იმ ადამიანს ვურჩევდი, ვისაც სურს უკეთ გაიცნოს საქართველო, ქარვეელი ხალხი, შეისწავლოს ქართული ენა. აქ ჩამოსვლამდე მეგონა, შორიდანაც შესაძლებელი იყო საქართველოს გაცნობა. ახლა დარწმუნებული ვარ, რომ თუ გსურს, ეს ქვეყანა კარგად გაიცნო, მისი კულტურა შეითვისო და შეისისხლხორცო, საჭიროა აქ

იყო და ყველაფერი თავად განიცადო. საზაფხულო სკოლამ ამის არაჩვეულებრივი შესაძლებლობა მომცა.

იასუნო ტაკემურა: პირველი ასოციაცია, რაც საქართველოსთან დაკავშირებით მომდის თავში, არის სტუმართმოყვარე ხალხი, ერთ აუწერელი სილამაზის მქონე ბუნება და უგემრიელესი საჭმელი. ქართველებს სხვა ხალხისგან, უპირველეს ყოვლისა, ის გამოარჩევს, რომ ყოველთვის მზად არიან დახმარებისათვის.

დასასრულს უნდა აღინიშნოს, რომ „საერთაშორისო ქართველოლოგიური საზაფხულო სკოლის“ ჩასატარებლად ქართველოლოგიური სკოლის ფონდს პერიოდულად თანადაფინანსებას უწევს ზოგჯერ თბილისის სახელმწიფო უნივერსიტეტი, ზოგჯერაც საქართველოს განათლების და მეცნიერების სამინისტრო. ხოლო წელს საქართველოს მეცნიერებისა და განათლების სამინისტროსთან არსებულმა რუსთაველის ფონდმა გამოაცხადა საგრანტო კონკურსი, სადაც ქართველოლოგიურმა საზაფხულო სკოლამ წარადგინა საკუთარი პროექტი და გაიმარჯვა.

ასე რომ, ქართველოლოგიური საზაფხულო სკოლის ორგანიზატორთა, პედაგოგთა და თანამშრომელთა წლებანდელ ღიდ წარმატებაში, რაზედაც საქვეყნოდ ლაპარაკობენ უცხოელი სტუდენტები, რუსთაველის ფონდის მიზნობრივი საგრანტო პროექტის წვლილიც ძალზე მნიშვნელოვანია.

ნინო ჩაკუნაშვილი